

მესამე თავი მოგვითხრობს იმის შესახებ, თუ როგორ აღმოცენდნენ და ვითარდებოდნენ ქალაქები ევროპაში რომის იმპერიის დაცემის შემდგომ. კერძოდ, ქალაქებში ცხოვრობდნენ ხელოსნები, ვაჭრები, რომლებიც თავიანთი სამოქალაქო სტატუსით არაფრით განსხვავდებოდნენ სოფლად მცხოვრები ყმა გლეხებისაგან და ჩვენ ვიცით, თუ რა მძიმე მდგომარეობას გულისხმობდა ეს. ქალაქში მცხოვრებ მოსახლეობას არ ქონდა კერძო საკუთრების უფლება და არ ქონდა პირადი უფლებები. თავისთავად ეს ძალზედ მძიმე და დამამუხრუჭებელი გარემოება იყო საზოგადოებრივი პროგრესისა, თუმცა ქალაქებმა გაცილებით უკეთ შეძლეს ამ ფეოდალური ჩამორჩენილობის დაძლევა და დროთა განმავლობაში, საუკუნეების განმავლობაში, ძალზედ წარმატებული პროგრესი განახორციელეს, რითაც არამარტო მხოლოდ საქალაქო დასახლებებს წაადგნენ, არამედ ასევე სასოფლო ტერიტორიებს და, რაც მთავარია, მთლიანი საზოგადოების წინსვლა უზრუნველყვეს.

თანდათანობით, საუკუნეების განმავლობაში, ურთიერთობა ვაჭრებსა, საერთოდ, ქალაქის მოსახლეობასა და მეფეებს შორის, გადავიდა ძალიან პროდუქტიულ და კეთილგანწყობილ ფაზაში. კერძოდ, მეფეები იმ გადასახადებს რაც იკრიბებოდა ქალაქებისაგან, ძალზე ხშირად უკან უბრუნებდა ქალაქის მაცხოვრებლებს, რათა მათ შეძლებოდათ გამოეყენებინათ ეს სამეურნეო საქმიანობაში და კვლავ დაებრუნებინათ, ასე ვთქვათ დიდი მოცულობით მეფისათვის. თანდათანობით ეს ურთიერთობა ძალიან მჭირდო ეკონომიკურ პარტნიორობაში გადაიზარდა და ამ ყველაფერმა შეიძინა უკვე დროთა განმავლობაში პოლიტიკური აქტივობის ხასიათი. კერძოდ საუბარია იმაზე, რომ უპირველეს ყოვლისა მოქალაქეებმა მას შემდეგ, რაც მოქმედების არეალი გაუფართოვდათ, თვისობრივად აუმაღლდათ თავისუფლების სტატუსი, დაიწყეს საკუთარი ცხოვრების მონესრიგება, რაც მდგომარეობდა იმაში, რომ უფრო მეტად კომფორტული გახადეს თავიანთი ცხოვრება სამოქალაქო დასახლებებში. უპირველეს ყოვლისა ისინი ცდილობდნენ, მონესრიგებინათ მმართველობა, შემოეღოთ გონივრული კანონები, უზრუნველყოთ თავიანთი უსაფრთხოება, შეექმნათ საქალაქო მილიცია, ანუ თავდაცვა გაეძლიერებინათ და ეს ყველაფერი საბოლოო ჯამში მათ აძლევდა საკმაოდ აღმატებულ ხარისხს თავისუფლებისას. საქალაქო ცხოვრებამ შეიძინა ის მიმზიდველობა, რომ უკვე გლეხებიც კი ცდილობდნენ თავიანთ, ასე ვთქვათ, შეზღუდულ ყოფას სასოფლო ალაგებიდან და ქალაქში დამკვიდრებულიყვნენ. შუა საუკუნეებში იყო ასეთი წესი, რომ თუკი გლეხი არ იქნებოდა მოძიებული და უკან დაბრუნებული, ერთი წლის განმავლობაში, შემდგომ ის უკვე თავისუფლებას იძენდა. ამგვარად, ქალაქებში საკუთარი ცხოვრების მეტად კომფორტულად გახდის და ცხოვრების მონესრიგების შემდგომ სამოქალაქო საზოგადოებამ, გაცილებით მეტი მიმზიდველობა შეიძინა სამეფო ხელისუფლებისათვის. კერძოდ ის რომ სწორედ მოქალაქეებში ხედავდნენ მეფეები იმ ძალას რაც მათ საშუალებას მისცემდა უპირველეს ყოვლისა მათი მიზანი შეესრულებინათ, ანუ ფეოდალებთან, ძლიერ დიდგვაროვნებთან მუდმივ შუღლში, საქალაქო მოსახლეობა ახლად აღმოცენებული წვრილი ბურჟუაზია გამოეყენებინათ როგორც მეკავშირე. შესაბამისად სამეფო კარის მხრიდან, ამ სახელმწიფოებში, არ დააყოვნა აღიარებამ, პატივისცემამ და მოქალაქეები უკვე შეყვანილნი

იყვნენ სამეფო მმართველობაშიც კი. ანუ სამეფო კარზე გადანყვეტილების მიმღებ სხვადასხვა ორგანოებში მათ ადგილებიც კი გამოეყოთ, სადაც ისინი, როგორც წესი უპირისპირდებოდნენ თავგასულ დიდგვაროვნებს და მეფის ინტერესებს იცავდნენ ისევე, როგორც საკუთარ ინტერესებს. აი, ამგვარად თანდათანობით, ქალაქების განვითარება მნიშვნელოვანი პროგრესის მომტანი იყო სახელმწიფო პოლიტიკური სისტემისათვის და ძალზედ ზღუდავდა ფეოდალების თავგასულობას, მათ ძალაუფლებას. ზოგიერთ ადგილებში, და ეს მაგალითად ასე იყო, იტალიაში და შვეიცარიაში, იმდენად, რომ მემამულეებს ისინი აიძულებდნენ, რომ საქალაქო ცხოვრების წესს მიყოლოდნენ. ქალაქების განვითარებამ მიაღწია ძალზედ მაღალ დონეს, იმ თვალსაზრისით რომ ზოგიერთ სახელმწიფოებში ისევ და ისევ იტალიაში, ქალაქებმა მნიშვნელოვან დამოუკიდებლობას მიაღწიეს და ჩამოაყალიბეს დამოუკიდებელი რესპუბლიკები. ეს იყო დაახლოებით მეთორმეტედან, მეთხუთმეტე, მეთქვამეტე საუკუნის განმავლობაში. და სწორედ ამ დამოუკიდებელმა რესპუბლიკებმა მოგვიანებით მოგვცეს მნიშვნელოვანი პროგრესი ევროპაში, ნებისმიერი საზოგადოებრივი აქტივობის სფეროში, განსაკუთრებით ხელოვნებაში, ეკონომიკაში, პოლიტიკაში და ა.შ.. ამგვარად შეიძლება ითქვას, რომ ქალაქების განვითარება იყო გონივრული წესრიგის მომტანი, როგორც ქალაქებში, ბუნებრივია ასევე ზოგად სახელმწიფოებში და რაც მთავარია, თანდათანობით სასოფლო არეალშიც, რასაც ჩვენ უფრო დეტალურად ვნახავთ შემდგომი თავის განხილვისას. შუასაუკუნეების განმავლობაში საქალაქო განვითარების კიდევ ერთ მნიშვნელოვან ასპექტს ეხება ადამ სმიტი თავის ნაშრომში, იგი დეტალურად გადმოგვცემს შინაარსს იმისას თუ ქალაქებში საქალაქო კაპიტალის ჩამოყალიბებას შედეგად რა ინვესტირების, რა სტადიები მოსდევდა. ის, რომ მას შემდეგ რაც ხელოსნობის, ასე ვთქვათ, არეალი, ბაზარი სრულად შეივსო, ამ დაგროვილმა კაპიტალმა დაიწყო ახალი საქმიანობის წამოწყება, ახალი მანუფაქტურების ჩამოყალიბება, ახალი დარგების განვითარება, ეს იყო, მაგალითად იტალიის ქალაქ რესპუბლიკების შალის წარმოება, აბრეშუმის წარმოება, ინგლისში მაუდის წარმოება და სხვადასხვა მაღალი ღირებულებების მქონე საქონლის წარმოშობა. ხოლო თავის მხრივ ეს მანუფაქტურები ძალიან მნიშვნელოვანი ეკონომიკური სავაჭრო პროგრესის მომტანი იყო. რატომ? იმიტომ, რომ მათ დაძლიეს ის შეზღუდულობა, რაც სანედლეულო დამოკიდებულებისა მათ გარემომცველ ტერიტორიებზე და უკვე ნედლეულს იღებდნენ შორეული სანაოსნო სავაჭრო ექსპედიციებიდან, სხვადასხვა ქვეყნებიდან. ასევე, უკვე მზა საქონელს, მაღალი ღირებულების საქონელს, აწვდიდნენ სხვადასხვა ქვეყნებს, რაც უდაოდ საერთაშორისო ვაჭრობაში იყო ძალიან დიდი პროგრესის და რატომ უნდა კაპიტალის მომტანი.